

## 元旦诗句

1.  
傍城山曲处，草径一居幽。元夕孤灯里，残香静夜头。久晴无苦冷，独坐祇清愁。也拟寻诗句，吟哦醉却休。——郑刚中《元旦二首》
2.  
今日椒花颂，无能献老亲。自怜垂白发，不敢着乌巾。牢落田园兴，微茫海国春。话言儿女辈，清苦莫辞贫。——王冕《丙申元旦守母制因感而作》
3.  
今日何日春始临，归心无奈只幽吟。唤愁草色为谁动，含冻雪花翻自深。塞雁度江终北思，楚人拘晋亦南音。灌园白首真吾事，抱瓮行看入汉阴。——郑作《元旦次空同子韵》
4.  
不嫌朱户有蒿蓬，且喜阳和转谷中。人语半空山殿晓，佛香匝地洞门风。酒随天意留青缥，诗与春光斗碧红。况值朋来好乘兴，肯因灊滑限西东。——程嘉燧《己卯元旦和牧翁韵》
5.  
缠天兵气惨难春，日历无端判故新。稍慰哀情闻吉语，强开恶抱答佳辰。才名薄俗宜遭贱，世味贫家最识真。不肯教闲书胜笔，偶拈题句已如神。——钱钟书《甲申元旦》
6.  
劳生九十漫随缘，老病支离幸自全。百岁几人登耄耋，一身五世见曾玄。只将去日占来日，谁谓增年是减年。次第梅花春满目，可容愁到酒樽前。——文徵明《戊午元旦》

7.  
闻道黄河彻底清，千年气数此分明。尧民商耆浑蹉过，输与钱生见太平。  
。——罗椅《元旦试笔》

8.  
城阙春潜雪尽融，谁家花胜出王宫。更寒缓下葳蕤锁，元旦催传进乐工。  
。——程可中《除夕太原府四首》

9.  
天上寒星敛曙钟，海隅佳气溢晴空。东华涌出瞳眈日，南极吹来长养风。  
。丹凤历端观夏正，瑶华枝上见春工。体元天子调元相，管领民归玉烛中。  
。——张泰《元旦》

10.  
东风吹鼓柳梢雪，一夜挽回天下春。从此阳春应有脚，百花富贵草精神。  
。——白玉蟾《元旦在鹤林偶作》

11.  
五十今朝过，谈经滞海滨。天阴不见日，地冷未知春。染翰题新语，开襟待故人。  
。宫花遍朝士，那上小乌巾。——贝琼《甲辰元旦》

12.  
夜来人散残更月，晓陌空存旧车辙。彩灯城市已春风，寒木人家犹腊雪。  
。强起相逢酒未醒，残膏宿火尚荧荧。归来更拂障泥锦，重约黄昏信马行。  
。——张耒《上元旦早起赠同游者》

13.  
使者双瓶至，蓬门向晚开。停肩慰泥滑，解冪省香来。染指怜佳味，挑灯引细杯。  
。明朝携小榼，江上候新梅。——沈周《元旦后一日刘德仪送酒（成化戊戌）》

14.  
六载虚劳供奉恩，白头吾亦两朝臣。闾阎击壤今弘治，简册编年又戊申。  
。日色小薰秣李昼，风光欲醉乳莺春。庐冈此景谁分付，也到江门不属

人。——陈宪章《元旦试笔（二首）》

15.

抉目是何年，归耕恐未然。旧游同偃蹇，吾道倚狂颠。忆汝孤罨坐，传声寒雁先。老人星出海，垂照和歌筵。——陈三立《尧衢写寄元旦之作依韵和酬》

16.

云封高岫护将军，霆击寒春灭下民。到底不如租界好，打牌声里又新春。——鲁迅《二十二年元旦》

17.

节启青阳岁籥新，金人十二画为神。韶华自合留天府，御气谁期洽近臣。彩胜仍分仙禁缕，云屏况借汉宫春。却怜寂寞扬雄宅，门巷恩光接紫宸。——于慎行《元旦赐门神挂屏葫芦等物岁以为常》

18.

寂寞盆花也自开，移根犹忆手亲栽。云昏雾湿春仍好，金蹶元兴梦未回。乞米至今馀断帖，埋名从古是奇才。劫灰满眼堪愁绝，坐守寒灰更可哀。——陈寅恪《壬午元旦对盆花感赋》

19.

不管鬢鬆雪满颠，笔床茶灶度年年。穷愁博得长清健，多折梅花供老天。——艾性夫《元旦》

20.

亿万饥民久籲天，天开上瑞岂徒然。深潭龟拆寒莎底，浅土蝗遗宿麦边。厉气已消除日后，祥霭飞堕晓风前。醉吟楼上瀛洲客，为记三登第一年。——刘宰《和罗權丞尊经阁元旦观雪》

21.

淡日泊在扶桑边，四山浮云来蔽天。本是阳和变杀气，发出燥土如云烟。吾皇神圣来赫怒，诸公饱饭日晏然。去年五月南海翻，九月三边烽火连。旅人潦倒衰暮年，有怀明主徒拳拳。袖中常怀书一编，不得上陈徒

自怜。有时问天天不语，仰天大笑龙楼前。不如回去长安市上酒家眠，明日收拾东归理钓船。——王佐《己丑元旦过承天门作是日大风》

22.

钟鼓高城送腊徂，云霞曙色上桃符。日随岁月开三始，春与莺花到五湖。借宅南山非捷径，对人故态是狂奴。依然旧识东风面，柳眼青青向酒垆。——居节《壬午元旦》

23.

熙朝政化谨三元，有事郊南典礼全。嗣圣万年初见帝，小臣十起夜瞻天。想回玉辂红云晓，更揭金鸡暖雨前。但愿庆成天下福，赋诗岂必从甘泉。——陈杰《元旦南郊庆成》

24.

年从爆火暗中移，椒柏迎欢上酒卮。今日天晴宜麦熟，明朝春到报花知。好奇漫说鸡千跖，行乐都来黍一炊。但得新年诗有料，不妨贫以去年时。——王迈《元旦次日立春》

25.

闽中风景丽，元旦百花开。有岸皆藜草，无波不染苔。树光摇粉堞，云彩照金罍。浓黛新年点，春衣隔岁裁。夜垆藏宿火，晓烛剪残灰。袖里分余蕙，钗边冒落梅。松枝当户插，椒气拂窗来。正好随欢笑，那知客思催。——吴兆《元旦书事（甲辰）》

26.

莫道新年贺客迟，晴天暖日却相期。春风只被多情苦，红嫩青新总要诗。——谢枋得《元旦阻雨二首》

27.

天上风云庆会时，庙谟争遣草茅知。邻墙旋打娱宾酒，稚子齐歌乐岁诗。老去又逢新岁月，春来更有好花枝。晚风何处江楼笛，吹到东溟月上时。——陈宪章《元旦试笔（二首）》

28.

密炬瑶霞光颤酒。翠柏红椒，细翦青丝韭。且劝金樽千万寿。年时芳梦  
休回首。小雨轻寒风满袖，下却帘儿，莫遣梅花瘦。万点鹅黄春色透。  
玉箫吹上江南柳。——黎廷瑞《蝶恋花（元旦）》

本文链接：<https://duanjuziku.com/duanjuzi/sw69hpr2xw.html>